

Datganiad Polisi ar Ddiogelu Gwybodaeth

Er mwyn amddiffyn ein cwsmeriaid, ein cydweithwyr a rhanddeiliaid eraill ac er mwyn cefnogi'r gwaith o ddarparu gwasanaethau, mae Dŵr Cymru wedi ymrwymo i warchod y wybodaeth a'r systemau yr ydym yn dibynnu arnynt trwy sicrhau:

- Cyfrinachedd – atal pobl sydd heb ganiatâd rhag cael mynediad at wybodaeth a rhag datgelu gwybodaeth.
- Cyfanrwydd – atal gwybodaeth rhag cael ei haddasu heb ganiatâd neu'n anfwriadol a systemau rhag cael eu rheoli heb ganiatâd neu'n anfwriadol.
- Argaeledd – sicrhau bod y wybodaeth a'r systemau'n wydn a'u bod ar gael pan fo angen i rai sydd â chaniatâd.
- Diogelwch – sicrhau diogelwch pobl ac amgylcheddau trwy weithredu systemau yn y ffordd gywir o dan reolaeth defnyddwyr sydd â chaniatâd.

Mae'n ofynnol i bob gweithiwr, contractwyr a phartner gydymffurfio â'n polisiâu diogelwch, a'r gweithdrefnau a'r safonau sy'n eu cynnal. Nod ein Polisi yw sicrhau bod:

- Ein systemau a'r defnydd a wnawn o wybodaeth yn cydymffurfio â'r ddeddfwriaeth a'r rheoliadau perthnasol ac â gofynion eraill.
- Ein cydweithwyr yn ymwybodol o'r gofynion diogelwch a'u bod yn cael hyfforddiant perthnasol i'w galluogi i ddiogelu'r wybodaeth a'r systemau y maent yn eu defnyddio yn eu gwaith.
- Risgiau i ddiogelwch yn cael eu canfod, eu cofnodi a'u rheoli yn unol â'r broses gorfforaethol ar gyfer rheoli risgiau.
- Unigolion yn cymryd camau priodol i ddiogelu'r wybodaeth a'r systemau y maent yn gyfrifol amdanynt, a bod fframwaith yn ei le i bennu amcanion ym maes diogelu gwybodaeth ar gyfer y swyddogaethau a'r rolau perthnasol.
- Asesiad risg yn cael ei gynnal ar yr holl systemau gwybodaeth a rheoli a bod y systemau'n cael eu cymeradwyo gan dîm Diogelu Gwybodaeth Dŵr Cymru cyn eu rhoi ar waith.
- Mynediad yn cael ei ganiatáu at systemau a gwybodaeth ar sail yr angen i'r busnes.
- Pob digwyddiad ym maes diogelwch yn cael ei riportio, bod asesiad risg yn cael ei gynnal ohono a'i fod yn cael ymateb cymesur.
- Gennym drefn o wneud gwelliannau parhaus i'n System Rheoli Diogelwch Gwybodaeth, a'n bod yn defnyddio profion ac ardystiadau annibynnol er mwyn dangos pa mor effeithiol yw ein dulliau rheoli wrth atal hacio.

Mae'r Bwrdd Gweithredol yn cydnabod pwysigrwydd diogelu gwybodaeth a systemau. Mae wedi rhoi'r dasg i'r Prif Swyddog Diogelu Gwybodaeth o roi trefniadau rheoli risgiau ar waith a fydd o gymorth wrth ddarparu gwasanaethau i gwsmeriaid trwy'r busnes cyfan.

Caiff y Polisi hwn ei adolygu'n flynyddol neu'n gynt na hynny os bydd newid arwyddocaol yng ngofynion y busnes.



Peter Perry
Prif Weithredwr
Dŵr Cymru
Ebrill 2021